



SAKSPAPIR

Saksnr	Utval	Type	Dato
31/2022	Formannskap/plan- og økonomiutvalet	PS	15.03.2022
	Kommunestyret	PS	

Sakshandsamar	Arkiv	ArkivsakID
Ann Kristin Bolstad		21/1176

FORSLAG TIL AVTALE OM ADMINISTRATIVT VERTSKOMMUNESAMARBEID GJELDANDE BARNEVERNSTENESTA

Vedlegg:

Avtale om interkommunalt vertskommunesamarbeid for Osterøy og Vaksdal barnevern

Kommunedirektøren sitt framlegg til vedtak:

Vaksdal kommune vedtek samarbeidsavtalen for etablering av administrativt vertskommunesamarbeid om barnevern slik den ligg føre.

Kommunedirektøren i Vaksdal får fullmakt til å overføre kommunedirektøren si fullmakt for barnevernet til kommunedirektøren i vertskommunen, Osterøy kommune, før oppstart av samarbeidet.

Kommunedirektøren samarbeider med kommunedirektøren i Osterøy om ein plan for oppstart og implementering. I den grad implementering ikkje kan løysast innanfor vedtekne rammer, eller ekstern finansiering, vert dette reist i eigen sak for kommunestyret.

Kommunestyret i Vaksdal gir administrasjonen fullmakt til å finna ei utforming på namnet for det interkommunale barnevernet, som ivaretar behovet for å identifisera barnevernet på vegne av både Vaksdal og Osterøy sine på vegne.

Formannskapet ber om at det vert gjeve ei orientering kring barnevernstenesta frå Osterøy kommune i kommunestyret i Vaksdal kommune 29.03.2022 og at det vert lagt opp til å gjere vedtak i saka i kommunestyret sitt temamøte 05.04.2022

Formannskap/plan- og økonomiutvalet - Sak 31/2022

FPØ - Behandling:

Kommunedirektøren orienterte.

Fellesframlegg frå Kjartan Haugsnes, SV:

Formannskapet ber om at det vert gjeve ei orientering kring barnevernstenesta frå Osterøy kommune

i kommunestyret i Vaksdal kommune 29.03.2022 og at det vert lagt opp til å gjere vedtak i saka i kommunestyret sitt temamøte 05.04.2022

Kommunedirektøren sitt framlegg tiil vedtak vart sett opp mot fellesframlegget frå Kjartan Haugsnes - Fellesframlegget vart samrøystes vedteke.

FPØ - Tilråding/Vedtak:

Formannskapet ber om at det vert gjeve ei orientering kring barnevernstenesta frå Osterøy kommune i kommunestyret i Vaksdal kommune 29.03.2022 og at det vert lagt opp til å gjere vedtak i saka i kommunestyret sitt temamøte 05.04.2022.

Saksopplysningar:

Kort om saka

Etter vedtak om eit eventuelt interkommunalt samarbeid med barnvernstenesta har det gjennom 2021 vore gjennomført ulike prosessar og utgreiingar knytt til barnvernstenesta og ny Lov om barnvernsteneste. Forslag til avtale om administrativt vertskommunesamarbeid der Osterøy er vertskommune og Vaksdal er samarbeidskommune er utarbeida.

Heimel

Saker og vedtak i politiske organ i perioden desember 2020 til mars 2022:

Møte 15.12.2020, sak 97/2020 – Budsjett 2021, Vaksdal kommune, med vedtak:

«Administrasjonen skal i løpet av fyrste halvdel av 2021 leggje fram ei sak til kommunestyret med alternativer for eit interkommunalt samarbeid om barnevernstenester. Fokuset i saka skal vere korleis Vaksdal kommune skal kunne tilpasse barnevernstenesta til krava som foreligg i barnevernsreformen. Dei tilsette vert involvert i prosessen.»

Møte 28.09.2021, sak 88/2021 - Orientering om utgreiing av samarbeid med andre kommunar om barnvernstenesta, med vedtak:

«Kommunestyret tek saka til orientering.»

Møte 14.12.2021, sak 119/2021 – Interkommunalt samarbeid for barnvernstenesta i Vaksdal, med vedtak:

«Kommunestyret ber kommunedirektøren om å fortsetje prosess om felles barnvernstenesta med Osterøy kommune med mål om avtale om interkommunalt samarbeid. Kommunestyret ber om at ein får ei utgreiing om fordeler/ulempar med dei ulike interkommunale samarbeidsformene.»

Møte 08.03.2022 – 06/2022 (Levekårsutvalet) – Utgreiing om ulike interkommunale samarbeidsformer i høve barnvernssamarbeid, med vedtak frå Levekårsutvalet:

«Kommunedirektøren tilrår samarbeidsmodellen «Administrativt vertskommunesamarbeid» i det føreståande interkommunale samarbeidet med Osterøy kommune om barnvernstenesta.»

Bakgrunn for saka

Kommunedirektøren viser til tidlegare saker der eit interkommunalt samarbeid om barnvernstenesta

og ulike interkommunale samarbeidsformer er utgreia.

Med bakgrunn i desse sakene og vedtaka som er gjort har administrasjonane i Osterøy og Vaksdal kommunar utarbeida ein avtale om administrativ vertskommunesamarbeid. Denne ligg ved.

Forslag til avtalen vart ferdigstilt 11. mars 2021. Osterøy kommune vil leggja forslag til avtale fram for kommunestyret i Osterøy 4. april 2022. For å samkøyra prosessane i Vaksdal og Osterøy vert forslag til avtale difor lagt fram for kommunestyret i Vaksdal parallelt.

Barnevernstenesta i Vaksdal har i fleire år òg hatt ansvar for barnevernstenesta i Modalen. Modalen har signalisert at dei vurderer å vera med i det nye vertskommunesamarbeidet, men dette er ikkje avklart pr. d.d.. Prosessen i Modalen er i gong og det er mogeleg deira avgjer er klar innan Vaksdal sitt kommunestyremøte 29. mars. I så tilfelle vil kommunedirektøren i Vaksdal kome tilbake med informasjon om dette. Kommunedirektørane i Osterøy og Vaksdal er positive til at Modalen vert med i vertskommunesamarbeidet.

Økonomi

Fordelinga av kostnadane vert gjort ut frå innbyggjartal i gruppa under 18 år. Samansetjinga i dag er at Osterøy har 69% og Vaksdal har 31% av innbyggjarar i denne gruppa. Kostnadane vert fordelt ut frå dette. Kostnadane til personell og kontor for 2022 er på 8,5 millionar for begge kommunane. Tiltak som vert sett inn vert dekkja av kommunen som barnet bur i.

Vurdering

På bakgrunn av framforhandla avtaleutkast, og på grunnlag av det faglege og administrative samarbeidet mellom kommunane som er etablert i utviklingsprosjektet, tilrår kommunedirektøren at avtalen vert vedteke slik den ligg føre.